

第七八五册

經濟彙編

考工典

宮殿部

苑囿部

公署部

、(卷)

四一五

五二五

五二五

古今圖書集成

中華書局影印

圖書集成

卷一百一十五

目錄

三

古今圖書集成

中華書局影印

欽定古今圖書集成經濟彙編考工典

第四十八卷目錄

官殿部藝文三

五鳳樓賦

會聖宮頌

賀皇帝御殿表

英德殿上梁文

鴻慶宮三聖殿賦

慈寧殿賦

行宮記

廣寒殿記

端本堂頌

漢宮春曉賦

萬壽宮頌

無逸殿箴

無逸殿箴

皇極殿賦

離肅殿賦

乾清宮賦

始陽齋贊

象一宮贊

恭默室箴

文華殿御書頌

恩政軒箴

樂志齋箴

三殿鼎新賦

三殿鼎新賦

宋梁周翰

歐陽修

李劉

王安石

劉攽

王仲言

陳隨應

明宣宗

王禕

徐世溥

嚴嵩

李廷機

姜應麟

徐顯卿

顧紹芳

黃佐

夏言

前人

李國楷

支大綸

王錫爵

前人

李若琳

周廷儒

擬綬舉三殿及朝門工程疏 孫承宗

考工典第四十八卷

官殿部藝文三

五鳳樓賦

宋梁周翰

伊京師之權輿也遐哉邇乎驗河圖之象按輿地之書宅禹貢豫州之域距天文辰馬之墟因四履建侯之地為六代興王之居城浚而都派河而渠結坤之絡振乾之樞星蒼櫛堵我民之廬海漕山詹我田之租勢雄跨胡氣王吞吳茫茫萬國魚貫而趨惟聖王之受命應期運而握符光潛躍於龍德踐元亨於帝衢道德何師尊盧赫胥揖遜何比陶唐有虞英略神武威憚八區封豕必誅長鯨盡剝虎皮包刃鵠板搜儒壁典皆索闕政咸鋪成天下之大務若雷奮而風驟乃顧京室時行聖謨陋宸極之非制稽紫垣之舊圖且曰不壯不麗豈傳萬世禹之卑宮蓋勿暇之計堯之茅茨非經久之制矧象魏之懸法伊億兆之所視況我力如天我賞如地不瀟爾民不牟爾利一毫之費差足為易乃詔共工度景之中因舊謀新庀徒僦功臺卑者豐棟易而隆椽斲而翬去地百丈在天

半空五鳳翹翼若鵬運風雙龍蟠首若鼉戴宮丹楹霞繞神光何融朱楹虹植晴文始烘繡楣焜耀彫栱玲瓏椒壁塗藉綺綵總暈紅雙闕偶立突然如峯平見千里深映九重奔星壁而交觸靈景互而相逢門呀洞缺若天之裂縱舉百武橫駕六轍金鋪燦人光景明滅舞陽之力莫得而排叔梁之力胡可以扶其下則冠蓋蔽軋劍佩陸離車如流水待漏而馳駕肩排踵兼轡渾夷萬眾紛錯魚龍尊卑咸去來之由此競奔湊於玉墀宣皇風之無外豈朝盈之有時三事庶尹乃拜表蕭牆謁帝未央以落大壯登歌未昌曰元聖明今帝道昌咸四海今君萬方時高闕兮冠百常赫宋德兮垂無疆瞻天顏兮獻壽觴願君王兮長樂康帝曰俞哉爾觴且置當聽朕言庶朕意項於戎馬之暇詳覽歷代之紀乃知乎夏德之衰璇室自庇商政之壞瓊宮大修楚王章華一身何寄秦皇阿房二世而棄漢武柏梁孽火隨熾陳后三閭義師尋至豈非乎禍生於漸欲起於恣亦如果飲不已必至昏醉嗜色不已必至乏瘁遷怒不已必絕人祀窮兵不已必暴人齒甘諛不已必杜忠義溺譏不已必斥賢智亡國之君未嘗不爾朕皆知之得以趨避淫於土木雅不如是美其成功良以為愧不舉君觴恐驕朕志其大者天地所重者神器尾虎足冰終日惴惴當共重之勿使顛墜謹謝公卿無忘納誨羣臣乃退咸呼萬歲

會聖宮頌 歐陽修

惟此園陵先后之宅既宅且安後來游止弗宮弗室神何以驪迺相川原乃得善地地高惟丘遇以荆灼

通訊龜寶龜告曰飲帝命家臣而職我事而事惟實一毫一絲給以縣官無取於民家臣之來役夫萬名三年有成宮伐翼翼在陵之側須後來格有門有半有廊有廡有庭有序殿今耽耽蔽帷稽稽天威可瞻庭今植植鉤盾虎戟容衛以飭聖今在天風馬雲車其來仙仙聖會於此靈威神馭其宮肅然

賀皇帝御殿表

李劉

祕殿鼎新昭鴻名而日揭宸居離麗肅龍衛以天臨風來南面之薰星拱北辰之所恭惟陛下體元居正圖大宅中福庶民以是訓之彝寧萬國以惟和之政盡力致孝既卑夏禹之宮修政禳災復考宣王之室棟取諸壯節轉而豐鸞聲既便於觀於鶴駕仍通於問寢誕敷文德聿觀舞羽於兩階載續武功式燕濟堂之萬壽

英德殿上梁文

王安石

天都左界帝室中經誕惟僊聖之祠風有神靈之宅嗣開宏業追奉辟容方將廣舜考於無窮豈特尚漢儀之有舊先皇帝道該五泰德貫三儀文摘雲漢之章武布風靈之號華夏歸仁而砥勵蠻夷馳義以駿奔清輝甫傳靈輿忽往超然姑射山無一物之疵邈矣壽丘臺有萬人之畏已葬鼎湖之弓劍將游高廟之衣冠今皇帝孝奉神明恩涵動植纂禹之服期成萬世之功見堯於堯未改三年之政乃眷嘉修之吉壤載管館御之新官考協前彝述追先志孝嚴列時寢門可象於平居廣拓旁開輦路故存於陳述官節肅給斤築隆施接吉日以比徒舉修梁而考室敢申善頌以相歡諸

兒郎偉拋梁東聖主迎陽坐禁中明似九天昇曉日恩如萬國轉春風
兒郎偉拋梁西瀚海兵銷太白低王母玉鐙方自執大宛金馬不須齎

兒郎偉拋梁南丙地星高每歲占千嶂滅烽聞嶺徽萬艘輪輦引江潭

兒郎偉拋梁北邊頭自此無鳴鑼即看呼韓渭上朝休誇寶憲燕然勒

兒郎偉拋梁上彷彿神游今可想風馬雲車世世來金輿玉雪年年往

兒郎偉拋梁下萬靈隕祉扶宗社天垂嘉種已豐年地產珍符方極化

伏願上梁之後聖躬樂豫寶命靈長松茂獻兩宮之壽椒繁占六寢之祥宗室藩維之彥朝廷表幹之良家傳慶譽代襲龍光肩一心而顯相保萬祀之無疆

鴻慶宮三聖殿賦有序 劉攽

臣伏見陛下追述祖考崇奉明祀新作三聖殿以昭孝明功於天下臣以文學中第太常試官祕書目觀盛事不敢以鄙薄自細輒作古賦一篇歌詠盛德昔靈光景福之作世稱其美麗然其所謂壯大不出乎雕刻畫綉文彩之煌煌而已又盛道工人之巧民力之衆材木之多金玉之偉臣以謂聖王有作則必智者獻其巧壯者輸其力山林不敢愛其材府庫之聚皆所供億也是物理之常不足以夸大臣愚竊陋之若夫天命廢興之際聖王授受之符非敏智通達未有能究知其始終者固難為寡見淺聞者道也臣竊大之是以略所陋而張

所大不敢仰希風人雅頌之列庶幾有其志云爾蓋上帝之所選建明聖命以天位者乃所以享德而報功未有德盛於前功播於後而其子孫寂寥千載無聲者也賢哲所談六籍之云德莫著於有虞功莫隆於五臣禹平水土夏姒以家司徒後稷是教是食肇商與周歷載累百阜陶大理五刑以明於其苗裔乃與於唐若夫董鶚耀以攸司奏庶民之鮮食焚山烈澤害服妖息鳥獸咸若草木允殖固伯益之力焉天報以位俾秦繼周於其子孫誣祖不紹去火即水叛禮尚刑法以慘急然猶兼六國一天下而不知變於初二世以弊非天不相朕虞之後乃其否德得罪於祖而斷棄也惟伯益之功未報是以天命復集於趙氏焉五代喪德九土分裂海水橫流民用整溺鳥獸昌熾黔首失職滔滔惑惑蓋若洪流之未闕於是太祖乘火而帝繼益之功天昨吉土曰惟商丘是為星火火辰之居亦曰明堂布政之由出滑離隱或躍在淵以有九有百度正焉創禍亂出民塗炭風指日舒天地正觀荆燕吳蜀楚越并冀威懷仁奔走失氣倔強者執服柔從者加賜太宗承之真宗成之登封隆禪矢直砥平巍巍乎邈三五而儔儔彼漢魏之瑣瑣會何比京夫伯益始掌火而底績而宋以火帝興於火墟天之報施豈不昭昭可推而類也哉且夫積功以凝命而創業因物而胙土由土以建號樂以反初禮不忘其本是故作於原廟建之別都三聖鼎列大廈以居以答景貺以昭成功俾子孫知厥所由億兆仰德而不窮也厥後烈風雲雨電雷震曜微戒於下濫炎流燒天子休於大異反已正德伏念七

年乃其有得曰天以德訓予而以威震予依類托喻予敢不信夫政不變不足以化新禮不修不足以化民天之示人若曰政禮之敝雖祖宗之爲猶當勿憚乎改更於是詔三事飭九卿和布於舊載損益以答天誠以舉聖職夫既天行而日白矣乃復閱宮獎夫神衷三后在天對越上穹經之營之不日成之闕偉奇麗宮寢之勿踰也清閑宮密鬼神之所都也繁百園而置楹兮度千仞以架棟擇一木於萬章兮顧餘羨者猶衆般僂優人之儔獻巧而林立兮莫不心競而賈用互長廊其如城兮開重門其似洞欒拱擎其如星兮侏儒屹其承重如壘斯飛如鳥斯草兮誠可憐其將動閭陰房之密靜兮雖六月其必寒關陽榮之散麗兮蓋中夜而已旦陟廣除而徑上兮每百尺而一級歷青瑤之瑩滑兮會不得而側立顧風雨之在下今足以避夫燥濕良非人力之所爲兮宜鬼神之攸集於是使夫設色之工後素之巧想像形容圖寫必效夫其龍顏日角天質之顒昂兮臣乃今知真人之異表於是駕轡輅登玉蚪千乘萬騎雲動而景附兮想生平之豫游旂常繽紛以絕翕兮鐘鼓軒蟲簫管發而啾啾稊魚龍之奇技兮蜿蜒曼延於道周百神紛而竝迎兮出闔闔而御夫龍舟爾乃川后靜波屏翳息風舳舻相銜若複道之延屬兮互千里而相通百工備官而風設兮權夫謹呼而奏功惟吉行之五十兮餘日力而靡窮既周既止威儀若初以幸夫壽官乃即前楹以修祀事威神如在望之可畏輝金玉以備用罄飛潛以薦味帷帳莞簞之安肆几杖筆研之儲侍靡一物之蓋闕兮所以廣孝思而盡

心志守臣侍祠罔不矜飾既而事旋闕而莫覩列仙之儒倜傥之倫迎神頌祇於其側若夫祝融重黎相土閼伯固已喜動乎魄情見乎色護清澤而晞盛德也巍巍大哉不可得而記已且夫天命之不忘人生之大寶也祖宗之有繼子孫之勿替也茲聖王所以繼統垂業超商邁周卹嗣錫羨貽厥孫謀使萬有千歲得以希風而承流也遂作頌曰崇崇商丘大火主兮曰宋之典道是配兮建邦設都以有九土兮有皇上帝明德輔兮伯益之功邇不可忘兮三聖承承有烈光兮奕奕寢廟神翺翔兮千胥萬年尚無疆兮

慈寧殿賦

王仲言

臣聞乾天稱父坤地稱母天地至大必言之以父母者明其尊崇博厚無以加也是以圖首方足皆仰之兼之欲報欲奉無不極盡由古以來聖人之盛莫過堯舜而孟子以爲堯舜之道孝弟而已矣恭惟皇帝陛下繼大人之昭宜日中之豐體堯邁舜憲古明王以治天下發爲號令典詰廟謨宸斷親仁善鄰開物成務者莫不以孝爲首臣聞孔子謂曾參曰明王以孝治天下故災害不生禍亂不作仰惟陛下曩者以皇太后恩從未還願見之心致軫宵旰四方兆民延頸指日以冀來音久矣斯焉天人交孚鄰邦修睦疊弓箠矢息師偃革寰宇之間遂臻安堵恭奉驪駕言歸闕庭凡在動植孰不手舞足蹈翼鼓膺奮遙觀古初變無前此臣伏以老氏三寶以慈爲首乾元之道萬國咸寧洪惟慈寧之殿合爲嘉名超軼前世致安之道由是以始形勢制作煥乎其有文章儀刑萬邦風化際薄

無所不及若堯之光被四表舜之丕冒海隅蒼生者行見於今日甚盛烈也臣生長當世薰陶漸摩德義之久目覩心歎不能自已思欲頌頌長圖恭恭式化成規誠開金石感動遠邇以彰聖治莫大之慶而昭述巨美者有日矣輒因殿之名以推原萬一至于辭意淺陋言語庸率不能抉奇摘異以爲偉不惟不能亦有所不敢也臣謹昧死再拜而作賦焉

賦焉

臣恭惟皇帝之嗣位十六載也海宇澄清四方底平受上天之眷命紹洪基於大明通安遠至措刑寢兵人熙熙兮春臺物蕩蕩兮由庚六服承德衆心成城所以復炎德之輝而迓周邦之衡先是驍駕從狩鄰國克享天心咸有一德式邇來歸權動九域乃命羣工擇基之隆儲吉祥之勝圻建問安之上宮列辟肅然而赴職百執踰然而效忠爰即行闕以成厥功于是上高擬天下蟠地地創甘泉之繁縟屏含元之侈麗揆太極之宸模就坤靈之寶勢乃詠龜策龜策協從乃稽萬物萬物無異帝曰欽哉乃彰鴻名慈以覆育於天下寧以鎮服于寰瀛蓋將昭徵音于太姒而表思齊于周京者也有嚴有憑或降或昇揆之以日築之登登經始勿亟百堵皆興伎者獻其技能者精其能否往今奉來闕決兮垠開蒼昊馳驅兮黃軺助培運鄧石之斤斧攻杞梓之良材萬杵散雨兮千鑊轉雷離婁督繩兮公輪削墨夏育治礫兮孟益振菱聲隆隆兮伐喬枚勢檻檻兮豁層崖長林巨植兮千年之產而萬年之材輟如闔直如壘兮崔嵬于時山壤獻靈川流効祉陸架水浮風屯雲委輻濤濤集衡

行櫛比以萃于殿之址也于是匠氏經營百藝駢井
礪焉而礪礪焉而礪高下曲折塗墍丹青此與造之
本意而動作之形容也既而四周凌天而發崇九門
參空而伶傳闕百常兮屋十尋皆徒誇兮建瓴俯俯
千栢閑閑旅楹岫綺對砌窻窻翼構形墀洋洋金碧
煌煌神鴻展吻而啞呀文犀壓牖而赫張寶璫象拱
列星間梁檠檠樂奏鸞鈴黃玫瑰瑰珥珥翡翠明璫
方疏圖井瑄連斗扛栢樓上承柱石下當騰雙倪今
盤礎刻怒兕兮伏相其蟠也顏九淵之蚪屈其翥也
若千仞之鳳翔或倒文漆于衛社或薦孤桐于蟬陽
烏枋橫截網葉交相第栢栢與椅榱積榱枅兮豫章
蓋天下之奇幹盡羽祭而國樑夫然未足以比其制
未足以形其雄轆轉龍飛雲架空出入今日月吸
呼兮雨風開重軒兮累玉鱗萬瓦兮游龍高下髮直
左右翼從西八東九金磔珉鏤平寫三山之景坐移
羣玉之峰喜洩洩兮樂融融入如遇今出如逢映斗
杓而瞳龍挹天漢兮春容觀其巨鎮在南長江在東
前擁後顧盤錯窪隆占皇圖之奕奕鬱佳氣之葱葱
天海相際造化溟濛雕題賁督大扁蜺蜺尋橦戴斗
兮航浮索援皆馳驅而致恭采肅慎之梧矢職夷黔
之布賣上則天目於潛之山鳳凰南北之巔巘巘截
薛窈窕回旋狀羣羽之集麓若萬馬之奔川海門之
潮滄溟之淵濠洵奔放勢如朝焉皆足以小嶠函而
吞涇渭等河雒而隘隴駟夫以此而駐蹕實一制而
萬全然而不以為離宮不以為別宇而獨以奉長樂
之安而為承顏之所故能遠邁漢唐跨歷三五則雖
兼天下之奉極天下之貴亦人所樂而天所與也凡

臣所鋪翼而陳之者尚可名言之也非此三吳之盛
麗九旂之容衛六宮之深嚴萬物之修治不足以隆
一人之孝於無窮于是俯而拜仰而重曰當乎法駕
言歸宗祀生輝千仗萬騎如指如麾備一時之盛禮
慶萬國之洪禧望闔閭兮瑞霏微劃軀稜兮祥葢
馭嚴嚴之玉輦建獵獵之朱旂華蓋效杠天驥驂
增日月之光明闔老幼之提攜千官之班兮驚驚兆
民之欣兮嬰慕喜喜動於堪輿澤周流於道路樂極
者或至於抃躍感深者爭先於馳騫次溘晏然兮屏
翳收風颯颯不與兮豐隆霽怒怒閑散兮如升萬室
昂兮如沂若乃萬壽誕日之辰一人會朝之際濟濟
義義羣臣在位皆輔卑而弼變過房杜兮丙魏奉玉
卮兮瓊瓊展采儀兮文陸皇帝躬蹈事親之美以獨
高於萬世進退禮樂抑崇下貴隆帝業兮億載歡祝
聖人兮千萬歲然後敷茲睿化徧於中下尊卑模範
兮盈里間膏澤滲漉兮盛王霸工在衛士在朝而農
在野百度修明萬幾閑暇無有遐遺睦如姻婭四海
安若覆孟九有基如太華於是客相謂曰子聞今
日之盛事歟曰然嘻為堯舜神人以和運紹五帝獄
訟謳歌但無為而已矣於致養以云何豈若我皇躬
勤儉之資恢隆平之時約己以奉太后之訓致美以
化羣黎之為端一心而應感斥衆異之肝睢爛爛方
冊照溢詩書哉且客問歷代之制乎土階之卑不免
乎儉固難推之飾不免乎驕奢魯魯靈光而但述土
木之巧魏稱景福而徒為制作之華但游觀之是云
奚文辭之足誇又豈若我皇綏定邦家以成孝道允
紹義鳩哉且上棟下宇聖人所取也至德要道聖人

之孝也作于楚室能修汴宮諸侯之功也與其論諸
侯曷若言聖道與其言雄壯曷若言聖德明明我宋
得天下之統祚哉祖宗膺器之重殆二百年休聲無
墜下之所奉者惟君上之所承者惟親當君享九重
之實而親安萬乘之尊蓋匹夫之孝會閭所難不足
以言惟據域中之大饗天下之養然後為重也已析
而合既失而得然後為喜之至也曠古所無一旦在
己漢唐所恨自我而得凡是數者兼而有之不特為
四方之賀又將為萬世之光寵也今是殿也不奢不
陋不高不卑合禮之界與天下齊以是為固鞏於鼎
龜以是為寶保若山谿雖廣八荒而為城開溟渤而
為池倚圖天而為蓋立棟梁於四維亦奚有宜乎於
是再拜而歌曰蒼蒼高旻覆下民兮與物為春澤無
垠兮一人孝至通帝意兮金石可開不可移兮上下
合契定大議兮法駕大馳言還歸兮勅以慈寧為殿
名兮厥功告成百室盈兮居之克安若石磐兮四方
瞻觀化益寬兮天人合應助其證兮光啓中興祖武
繩兮紹復大運法堯舜兮旋澤曲鈔翕然順兮孝道
克全鑒上天兮壽祿萬年其永延兮聖人孝兮感人
深責成賢輔兮備功克忱廣殿軒軒兮巨厦深沈最
昏之養兮萬乘親臨財豐物阜兮為於養羣百姓克
愛兮諸侯克欽互萬國兮得其歡心官殿之制已陳
之矣天子之孝既備述矣四方之心見於斯矣口軟
字碎其言卑矣欲昭聖孝永無極矣日月為宇天為
卑矣

行宮記

陳隨應

杭州治舊錢王宮也紹興因以為行宮皇城九里入

和寧門左進奏院玉堂右中堂外庫至北宮門循廊左序巨璫幕次列如魚貫祥曦殿朵殿接修廊爲後殿對以御酒庫御藥院慈元殿外庫內侍省內東門司大內都巡檢司御廚天章等閣廊回路轉衆班排列又轉內藏庫對軍器庫又轉便門垂拱殿五門十二架修六丈廣八丈四尺簷屋三間修廣各丈五架殿四兩廊各二十間殿門三間內龍墀折檻殿後擁舍七間爲延和殿右便門通後殿殿左一殿隨時易名明堂郊祀曰端誠策士唱名曰集英宴對奉使曰

寗作觀堂爲上焚香祝天之所吳知古掌焚修每三茅觀鐘鳴觀堂之鐘應之則駕輿山背芙蓉閣風帆沙鳥出履鳥下山下一溪縈帶通小西湖洞穴深杳豁然平明暈飛翼拱凌虛樓對瑞慶殿損齋緝熙崇政殿之東爲欽先孝思復古紫宸等殿木圍卽福寧殿射殿曰選德坤寧殿貴妃昭儀婕妤等位宮人直舍螳聚焉又東過閤子庫庖思殿儀儀鸞內八作翰林諸司是謂東華門

之孱弱羸老安其危而存其覆又因以清姦懲貪社稷而至於今日夫山川猶昔也昔之人以否德而失之高皇帝以大德而得之我承藉高皇帝克艱難而保存之奈何其可忘慎德又顧茲山而論朕曰此宋之艮嶽也宋之不振以是金不戒而徙於茲元又不戒而加侈焉賭其處思其人夏書所爲傲峻宇彫牆者也肆吾始來就國汰其侈存其槩而時游焉則未嘗不有儆於中昔唐九成官太宗亦因隋之舊去其泰侈而不改作時資燕游以存監省汝將來有國家天下之任政務餘閒或一登此則近而思吾之言遠而不忘聖賢之明訓國家生民無窮之福矣朕拜稽受命無時或忘書不云乎皇祖有訓詩不云乎儀刑文王肆嗣位以來凡事天愛民一體皇祖之心敬而行之洞洞屬屬罔間夙夜今登茲山顧視殿宇歲久而圯遂命工修葺永念皇祖儼如在上敬以所授大訓筆而勒諸石既以自省亦以昭示我子孫於億萬年宣德八年四月丁亥記

王禕

崇德武舉及軍班授官曰講武東官在麗正門內南宮門外本官會議所之側入門垂楊夾道芙蓉環朱闌二里至外宮門節堂後爲財帛生料二庫環以官屬直舍轉外密子人內宮門廊右爲贊道春坊直舍左講堂七楹扁新益外爲講官直舍正殿向明左聖堂右祠堂後疑華殿瞻景堂環以竹左寢室右齊安位內人直舍百二十楹左彝齋太子賜號也接秀香堂便門通繹已堂重簷複屋昔楊太后垂簾於此曰慈明殿前射圃竟百步環修廊右博雅樓十二間左轉數十步雕闌花甃萬卉中出秋千對陽春亭清霽亭前芙蓉後木樨玉質亭梅繞之由繹已堂過錦麟廊百八十楹直通御前廊外即後苑梅花千樹曰梅岡亭曰水花亭枕小西湖曰水月境界曰澄碧牡丹曰伊洛傳芳芍藥曰冠芳山茶曰鶴丹桂曰天闕清香堂曰本支百世佑聖祠曰慶和泗州曰慈濟鍾呂曰得真橘曰洞庭佳味茅亭曰昭儉木香曰架雪竹曰靜賞松亭曰天陵偃蓋以日本國松木爲翠寒堂不施丹雘白如象齒環以古松碧琳堂近之一山崔

北京之萬歲山在宮城西北隅周迴數里而崇倍之皆奇石積疊以成巍巍乎矗矗乎巉峭峻削盤迴起伏或陡絕如壑或嵌巖如屋左右二道宛轉而上步躡屢息乃造其巔而飛樓複閣廣亭危榭東西拱向頰仰輝映不可殫紀最高者爲廣寒殿崇棟飛檐金鋪玉砌重丹疊翠五彩煥焉軼雲霓納日月高明閣爽而北枕居庸東挹滄海西挾太行嵩岱並立乎前大河橫帶於中俯視江淮一目無際寰中之勝槩天下之偉觀莫加於此矣末樂中朕嘗侍皇祖太宗文皇帝萬機之暇燕遊於此從容之頃天顏悅懌指顧山川而論朕曰此古軒轅所都而後來趙宋之疆境也宋弗良於行金取而都之金又弗良元取而都之元之後裔不存殷鑒加弗良焉天鑒我太祖高皇帝聖德命之弔伐用誕安天下天下既定高皇帝念前故都也簡於諸子以命我冀茲一方我惟夙夜敬勵不敢怠寧以仰副高皇帝付託之重暨建文嗣位信用姦回戕劉宗室舉四方全盛之師以加我於時茲城孤立殆一髮引千鈞矣賴天地祖宗之祐復以城

典聖之宮皇帝攸居前殿後閣東西萬廬有翼者堂在殿西廡厥堂何爲皇子來處維時皇子是爲國本以承宗社繼體維謹輔養聖功貴早有圖猶本在木必培其初皇帝曰嘻汝其就學前讀往訓用益汝覺皇子敬恭來處於堂彝文曠典以莫不彰良傳碩師左右望提吉人正士前導後規仁義之原成敗之迹經史在列式受敷釋廣夏細旃諷誦從容狗馬聲色靡接於躬日就月將遙觀緝熙朝斯夕斯聖敬並躋前星有光予以增之少海既潤予以凝之國本既端

王禕

國本斯定神器有歸祇近天命乾健而正離繼而明
規重矩疊不開太平稽諸綿代亦有遐則博望之置
承華之闕處有非地厥效乃卑維今端本軌盛典更
巍巍我元葉萬年億曆祚延洪係在今日於維斯堂
擁休蓄靈邦家之基永永是徵

漢宮春曉賦

有序

徐世博

孝武皇帝既感于虛上林之事元光四年春晨游
後宮意動趣駕召司馬相如為賦相如進曰臣鄙
人未親宮中之實所稱雲夢上林徒意為之且夫
于虛烏有又何足為天子道乎必不獲謝昧死請
得縱觀宮中於是上詔宦者導從相如著籍得縱
觀宮中三日既罷賜洗沐一月賦奏天子稱善傳
示宮中贈遺累萬以相如為郎其詞曰

夫何春暉之竊窺兮澹裔裔乎依人被陵原以殊姿
兮草木寤而懷新超逍遙以入宮兮歷阿閣而詎尋
處遠近其同芳兮善翺翺以窺襟搖壁璫之參差兮
羌執辨其笙琴聞彼燕趙之嫵麗兮徂四序於開深
維風雨之增欷兮既賴思於柔祠曰明月其猶可慰
兮竊獨悲樂夫旭日之初臨始略貌以睨隔兮若含
笑而流波繼躑躅以少進兮逞嬋顏而逾和遂偃蹇
而抑人兮鑒旖旎之垂羅射網戶以返照兮階隙賴
而生霞灼未央之崔嵬兮駭娑騎虹以駕梁鬱杳詣
與發越兮疎犀祀而虛翔騰披香以經蕙若兮金鋪
絕何煌煌煌千門之寶甃兮青燄上下而連光矚先
晞西盤之瀟灑兮遂左陰而右陽於是鵬雛罷舞交
鶯變聲鐸傳長信鐘殷承明周盧競開兮若雷霆錦
余回夢綺綺齊驚悵餘溫而戀枕兮欣初照而俄興

怡僂怡悵淑態無方媚然揚明光在屋梁苑香入幕
蔓影侵牕潛理私東盟飾明妝修鬢梳掠領裳端敲
宜否纖悉審詳亦有宿倦未解獨弛珠簾薄裝舊襦
幽靚自然衰絢匪澹媚鬢從偏就庫闥以仍憩兮拭
曼睫而猶聯紛敏緩之異性隨矜解以殊妍爾迺颺
霧縠鳴珮珮拂琳瑯步容裔達洞房踰瑤砌乍相見
叶蘭蕙詢宵夢之若何兮論新飾之同異則有先秋
擣素乘旦漱裳懸練擬瀑搓昂疑霜或簪絲於鉞縷
眇凝睇以秋思摘經夕之條慈相栖翫之所宜誰與
奕者遠識棋聲纖手稱敵並坐皇英云誰雅笑擷草
群嬉角多行罰祕與為私乃有連袂出游三五為曹
或俯鑲檻或眺靈霄攝裾防胃揄袖迎飄故匿叢兮
諸侶乍隔葉兮相招同有望而期造惜暮履以擇蹊
遵微行而容與漾深竹之流颺忽焉莞爾倩頰橫春
折柔艷翳華簪鏡清流愔愔宜人乃賦香杭有鳧鴛
振鷺暴羽孔雀賓馴禽就食颺沓成行忘調饑之
何何兮綽解泰以相羊當日之班櫛洗之餘肅趨長
樂溫室渠渠雕檐開曙煥若神居白髮嚴萬煙城侍
梳帳盤桓列諸殿端闥盡開昭陽特掩見庭燎之遺
燼知和鑾之流宴惕愴以自憐哀芳煙之未散若
乃絃桐既憚冽管繁興新謠競奏關關嚶嚶凄若離
鴻兮應霜汀離若鳳戲兮雲中鳴肅若微風濯木挾
蛩吟諧若雨潤潺湲維松聲聞之者莫不泚瀟溶清
渺渺怵怵故能使曉日為之緩午而浮雲不生也或
佻傚以巧笑或僂僂而矜舉或莊凝以正色或惜嬌
而恬嫵莫不音度旋日停波之曲影貯桂棟杏梁之
宇細腰膩理鉛妝萬千離宮別館三十六所強為樂

之多方今諒難得而備數也亂曰盛年深宮掩寂哀
兮晚晚桑榆去人遠兮春回鮮榮如夢覺兮萬戶簾
謳樂莫樂兮一人承恩兮羣翠輦光激配兮愁人心
宮闕崢嶸兮今日下遲鳥負影兮昭陽飛楊裊烟兮蠶
吐絲宮中春兮春不知

萬壽宮頌

嚴嵩

赫赫皇明膺運握符於烈太祖金陵開都成祖繼天
變伐大定駐蹕全燕奠鼎凝命周宅錦京殷居毫邑
履重馭輕四方之極有宮穹穹禁苑之西名曰仁壽
高朗軒夷實惟斯宮肇基帝跡創始鴻圖貽謀燕翼
爰二百年我聖龍翔受命中興二聖有光以聖繼聖
克復其始迺被斯宮遇慰遇止金梁駕漢玉棟干虹
王氣榮光鬱鬱慈慈皇曰我祖明德斯肇予實嗣之
曷循曷紹累厚增高重基疊構特易隆名嘉進萬壽
壽考維祺自天之祐承以五福範衍箕嘏康寧好德
申命用休百祿承次坤儀用彰安貞之吉應地無疆
南開端門麗於陽德法天行健四隤咸宅耀耀秩秩
寅寅出日亦有輝朗素月澄璧陰陽之精左右互弼
皇居皇處非曰豫佚景綵萬幾咸釐庶績志加窮閭
念軫民食亭翼幽風殿峙無遠南闕穀壇以祀於稷
北鄰桑壇后歲親蠶德如關雎教行葛覃久矣風化
匹於二南維昔農桑王業之自皇宅於茲肇修苑事
分條建規補弊典滯皇心翼翼齋明莊栗昭事上帝
靈威可質賜福降祺百神效職衍於烈祖享祀一堂
珩璫瓊瑤天眷聖皇而安而室俾爾熾昌俾爾多益
長發其祥齋斯蠶蠶天眷聖皇壽萬斯年綏以繁祉
受祿于天天耀景星地溢醴泉元龜薦瑞朱草呈鮮

四方賀焉四夷服焉我皇御曆曷有極焉微臣稽首
敢獻斯篇

無逸殿箴

李廷機

巍巍紫殿於此禁中惟皇游衍昊天與通天之立君
豈曰爾逸四海萬幾一日二日逸則必淫勞則能思
治忽存亡端繫於斯是以君道無逸爲貴一心無逸
百祥攸萃精神日強事功日起可以延年可以致理
在昔聖人受命享國安於泰山壽於箕翼令名鴻號
聲施至今何以致然無逸乃心忠哉姬旦左右成王
御顧長慮懿訓用彰叙述列辟自商及周德有勤逸
祚有短修遺編斯存萬世不易南面著龜治安樂石
我皇撫運累洽重熙匪曰未盛所慮平陂我皇迪德
剛健正中匪曰未至所慮初終功在一貫治慎無虞
無逸作所實爲良圖勿謂既聖逸則減德勿謂既治
逸則叵測勿謂定爾惟逸乃離勿謂咸實惟逸乃貳
宴安可懷得無妨政耽樂可得無伐性雖當遊觀
毋忘儆飭念及小民心存稼穡操而就業去而怠荒
天休滋至萬壽無疆

無逸殿箴

姜應麟

維辟承天日有萬幾事起於忽患生於微惟彼哲王
勵精弘化若踐春冰若馭泛駕凡几公旦遠思令猷
爰陳無逸入告嘉謀勉我皇願思其義自強不息
克勤罔替母謹大庭而懈深宮既虔厥始必保其終
母謂予明視於無形母謂予聰聽於無聲母謂天與
命不易哉母謂人歸民罔常懷小臣進規治道在邇
母忌母荒夙夜敬止

皇極殿賦

有序

徐顯卿

粵若太祖高皇帝受命作京營金陵而定鼎殿曰奉
天迨成祖文皇北建行宮仍揭前額厥後因以定
都歷七聖而未之或改稽古唐虞繼治總章合宮
各殊名號漢世東西兩都宮殿不相沿襲迄我世
宗肅皇之季始承天意而鼎新之榜正殿曰皇極
標建極中極以更謹身華蓋而左右二順則以會
極歸極題焉蓋取洪範五居中宮曰皇極惟皇建
極惟臣會歸之義也大哉皇言於斯爲至矣然時
方恭默西寓未遑暇臨欽惟我皇踐祚始於斯殿
朝萬國而莅四海焉惟皇天錫我皇以皇極之統
惟皇考貽我皇以皇極之基天人景從後先光裕
荷敷郁哉昔在帝皇創制殿宇臣工必有詩頌以
聲歌其盛周之靈臺尙矣魯之闕宮續焉乃若何
晏之賦景福徒紀魏闕之壯麗適以昭侈靡示無
度耳魯恭位居東藩乃靈光見於王逸所贊述者
顧僭擬天子又奚法焉惟我明皇極之建物采以
別威朴素以崇禮赫赫巍巍平平蕩蕩直軼百皇
而獨盛參三極以媲隆者哉適作賦曰

惟皇御曆辨方體國重闡明堂創號皇極詎云規矧
之壯麗會曰名義之周勦磅礴黃壤以圯坎塘峽青
霄而矗植瑤岑碧嶺匪乎其周遭象緯龍躔森乎其
旁逼夏天衢之寥廓坦王道之平直其爲狀也澔澔
泔泔鏤鏤奕奕雲籠日耀竊不知簪牙楣額之幾千
萬億其稱名也協箕疇準禹策包維緯之奇文體洪
範之奧則萬象周羅而環繞天樞五位居中而密運
乾德儼分低兮四皇六帝而並域况兮忽兮參天兩
地而作式吁其盛哉余亦烏能管窺而蠡測第規模

之弘遠博碩詞人之敷演極矣茲將循名討義而商
榷陳之以俟咨訪於多識蓋嘗仰而觀法於天碧落
虛浮葱翠空濤斯殿也徹垣端拱而法象中懸旋轉
玉衡宰幹璣璣攝二曜以升沈齊七政而推遷三十
二星屯方而列署二十八宿按度而分躔開闔闔以
啓扉絡勾陳而張綆茲實皇皇之垂象於是乎天極
立焉俯而察理於地岳嵩荆崑嶺瀚淪淪斯殿也與
圖幅湊而效法承乾元精耿耿而中貫坤粹勃勃而
漪漣箕四維而鎮九壘控六合而扼八埏渾大塊以
宅中表崑崙而居巔上接玉樓層臺之十二下該赤
縣寶界之三千茲實后皇之奠宅於是乎地極立焉
中而考度於人洪荒抱樸渾沌合元泰曉大庭之世
有巢無懷之先林居穴處鵬宿鸛眠聖作極民用
始全屋廬星周闔闔麟駢然後宅中圖大矩方規圓
輦河山百二以定鼎環畿甸九一以卜年總章闢而
青陽啓明堂敞而重室宣三十六戶豁乎筵呀七十
二牖軒乎攀蜚蜚分嚮南離以重明巍然象北極而
中天茲實皇皇王之撫圖於是乎人極立焉茲三極者
實皇極之所以取則也爾獨不觀梓人之引繩紆室
也五材並蓄百役兼井椽題棍栢樞栢栢栢條梁短
稅梁載飛甍壁礎玉碼文璫金楹樂棋天蟠而斗拱
櫺櫺錯落以星明惟屋極居棟隆而獨重凜然昭君
象而崢嶸是故易有太極兩儀判而八卦生範有皇
極九疇叙而五福疑人有心極泰宇定而安宅寧居
有屋極羣材附而大廈成極之名義大矣哉匪皇皇
我后曷以顯錫斯名方斯殿之鼎新也定星炳耀日
晷流明天帝下觀太一垂晶敕公輪督壘而創繩詔

離朱馳巧以聘睛工共總其矩度匠石察其軌程黃道開而紫微期豹尾潛而鶴禁清天時極其良矣太行西來而列堵滄海東匯以環瀛黃河百折承其前雷天壽萬仞障其後屏白虎踞序而蹀躞青龍繞棟以拳擎地勢極其雄矣庶民子來百工趨爭輸材屬條協力霆轟巨石騰巖而迅舉神木走陸以遐征會歲月之幾何允不日而落成人謀極其咸矣惠荷姬以結構摹太階而縱橫雙闕凌雲恍蓬萊射日之銀榜八柱擎天儼芙蓉接露之金莖規制極其弘矣左達文華右通武英東壁則揭璇題於文昭西奎則標璚扁於武成弘政顯其側板宣治名其旁閱顧瞻皇極卒業業以獨鋒鞠巍巍其高瞻望丹青而灼爍覽文石以光堂覆壓黃混括摩藜青中極團圓而上規圓蓋建極深奧而內接乾清體統極其尊矣於是吾皇乘景運握昌符膺寶曆撫瑤圖展皇猷而儼然臨御斯殿也琬璫旁注冕旒前垂法乾坤以懸象章日月以陳儀被龍袞之綵繪障雉翟之萎蕤豪顯若於黼辰時沈潛乎罕思運紫樞而不宰拱元默而無爲象天極也行中采齊節應琳瑯秉介珪以步武鳴佩玉而銜鏘廓厚德以載物持鎮靜以居方法地極也正身示範端軌率物肅圖闡以風化基重邦畿而樹表式首肇修乎人紀覃敷叙乎天秩立人極也無思無爲惟默惟元運動靜以闔闢幹樞紐而轉旋凝精於冲漠之庭遊神於象帝之先涵太極也靈臺炯炯丹府融融開四門而洞達開八牕以玲瓏聲宮中之樓閣恍象外之元宮凝心極也審工師之求木採大匠之斲輪選棟梁以負鼎任柱石而秉鈞獨攬攬乎

洪綱爰出納乎絲綸隆棟極也承上天之陰騭恢皇謨而作極敬用五事又用三德宣八政以勤民察庶徵而省惕致審於雨暘寒燠尤重於師祀貨食所以法洪範而敷皇極也至若玉漏聲達庭燎輝煌皎月光而入戶聽鷄鳴而未央聆車馬之璫璫勤宵旰而遑遑時未朝而居中極也羣工方退萬機暫逸覽封章以延納進嘉猷而採擇佇委蛇之餘閒受啓沃之茂益時退朝而居建極也仰瞻朱屏俯視彤楹省三樞之昭戒顧虛器而持盈荷一木之內蠱將大厦而頽傾臺若累卵兢若履冰親丹銘而思保極也時臨青陽日拱紫宸因天時以出治順月令而敷仁惠澤流於餘寡懷保普於齊民用敘時而錫極也遵道遵路是訓是式蕩蕩而無偏無黨平平而無反無側民無淫朋人無比德德民化而協極也五侯九伯六服羣辟罔不會同咸來述職履玉墀以趨瞻仰耿光而觀觀歡呼嵩嶽奠獻玉帛萬邦朝而會極也南漸丹崖北垓紫漠東演扶桑西底大磧雕題窮髮之邦貫胷穿耳之國航海梯山疊象重譯稽首闕下各執方物四夷來王而歸極也鳳凰巢於阿閣麒麟遊於苑囿蓂莢產於階除蓬蒿生於庭堦卿雲爛熳以遠殿甘露霏微而綴當珍禾嘉穀列室而停貯野鷺八繭當軒而疊奏和氣協於上下而治道底於極也嗟乎古昔歸御之君物極則反勢極則傾滿極則洩畜極則盈泰極者否形治極者亂萌歡樂極者悲來侈靡極者盈生惟我皇之純德歷終始不渝而蕩乎難名不續二祖之光祚克享累世之盈成其諸追天皇地皇泰皇而相與游行參乾極坤極人極而獨持權衡

者歟諱曰惟皇建極作京營室效彼蒼兮撒薛峽峴嶰嶰萃崑崙以昌今寧靈寂寂靈靈歛歛而揚兮龍翔螭蟠蟠掀餽餽翼其張兮宸居勿密穆清恭默儼垂裳兮軒祁風力夔龍禹稷明且良兮都俞吁咈贊襄啓謨謨則臧兮鼎固磐石浩劫罔數祚乃光兮惟辟玉食敘福錫極極壽彌康今會其有極歸其有極未無疆兮

離肅殿賦

顧紹芳

於維我皇紹丕丕基至德房皇釀化陸離八方帖以安闢九重謐其清夷然且廣廈細旃旃替合宮之訪趨庭問寢彌度長樂之儀迨乎萬幾之暇登降逶迤俯仰祕殿燕息自資既泮泉以少休乃穆然而深思曰昔姬文之至德惟離肅以自持越在宮與在廟肆臨保之靡時余冲人之不淑願援古以爲師於是肇錫新名煜燁堦階朱榜崑以高曠金書炳而雙排肅肅離離厥義孔佳采微言於周雅諒故人之我諸叔乎其端居湛乎其心齋願思常存比書紳而逾切師保如在與銘歸乎奚乖爾其秘殿之爲制也挺丹禁以宅址模紫宮而作鏡重軒虹鸞以相屬層閣鳳舉而如競崇臺珍宇接構連甍寶砌瓊瑤流綺聯遠而望之光凌太一之垣迨而就之目眩蓬山之境是其儉不上陋奢不下病既秩且閒亦深而觀豈比夫鄒侯之所經營奚斯之所嗟詠哉於是我皇臨軒還軫鸞聲殷殿周覽厥象畢覽干雲玉帛戾止天顏有欣於以休想乎是中屏息乎塵紛或籌發務或採典墳或棲神於澹泊或覃精於藝文漢主受釐陋宣室之度唐臣雜宴噉集賢以奚聞蓋時當豐豫而曰

無已太康治屬慕隆而曰作所惟敬運大寶而無爲守中心以至正大廷廣會之時不以昭昭伸節宦官官妾之交不以冥冥情行從容九五朝靡衡石之勤惕厲夙宵人誦垂衣之聖此所以即宸居而溥大命者也夫肅肅以敬離離以和蓄之而上德曼美溢之而醇化滂沱以是天覆羣黎偏失黃童之頌星羅萬國咸蒙紫塞之戈躋彼六合皆爲化日靖茲勃瀨永不驚波但識太平之有象疇知帝力以云何昔在姬文道隆化決是惟肅離光有大業瞻寶殿之巍巍揭璇題之業業規磨思之所存恍文德之克協彼古今遙遙其千載迴心源一旦而相接於都哉古則文王之文今惟天子之德寧敬而過毋和而極洵既詰而既明乃欽欽而翼翼比德既與文而爲兩卜曆斯過周而成億是其軌前代而高期俟來禩而作則者歟

乾清宮賦

黃佐

不鏤維明帝睦鴻德通寧寰區烈祖受之宅離作都秉粹精以靈承握隆煒之昌符文皇振業依黔羸而奠辰樞緯瀛廓穹壑此天居粵乾清之祕宮總元黃之噴薄何富媼之藎靈竣定鼎而後獲洎龜謀之襲契法太紫以管度蓋以疏明淪聰儲神習體軼煩悵而游冲漠者也稽諸遠古合宮總期黃虞之始經營而成周路寢之所儀九筵五雉於皇拓之既普而深亦麗且彌匪維宴娛日監在茲湫謬霄霏之中於以敬陟降而崇緝熙建休號以詒燕謀蓋亦已百有餘椿矣越闕逢闕茂之歲赤標章怒鬱攸孔震結構燧涌氛祲微旻豈桴人之嫁雪將弗舊而布新詔司空而僦工走羣靈而驅八神廟石則無閤不周之幘掄

材則荆揚岷峩之阻軌修綽則山善稠嶽伐輪困則雷闐邪計驢駢駢驢淫淫與與揮汗爲瀦景日成暑陶埴鍛厲之屬莫不臚分其曹伍於是乎揆日晷驗星文陳圭臬展廣輪宗伯獻模林衡效勤警聲嚴岳鍾徒簪雲履人司堅匠慶壇斤約築創屢于來以超役者虎躍而靈犇既乃考工矇計以萬雕摩維精賁輪飾與炯然陽火燦爾陰泮奪真乃於大鈞雖鬼神其猶憚故其爲狀也豐融曼衍揭業崢嶸縹緲莫莫穆流交嬰遶穹隆以閎壯互砢礪而靖冥歔歔赫以崑崙儵儵嘖嘖而滄停宮嶢嶢於天漢攢攢羅而混成瓊珠儼儼不可殫形恍兮忽兮撒膠葛騰九閎接耀魄之威神幹璇璣而絳高明羌駢聯以暢皓魂悚悚其若驚爾乃登泰階之三重遵軌途之盤曲鈞陳縱橫以匡衛閭道駢駢而延屬仰而瞻之若燭龍之蜿蜒引扶光而曠若木頰而履之若巨鼃之最肩運九垓而苞百谷團殿般般以離立珠煩黃以相燭函細縕之元氣文何有乎駢駢彼會城與縣圃昔傳聞而今駭矚其上則觚稜高標金爵翹翹琉璃鱗鱗劃寬摩霄織鳥顧免出沒扶搖屹華表以紉旬始莅颯披平斗杓簪牙朔而阿雷奮絕浮景而翻碧寥其下則卸砌瑤礎石平左城承以峻基廣以夷石盤以蛟螭塗以朱碧羣若崑崙鎮奠南極則芳綬綬磴磴即即其中則縣綿房植耽耽層覆梅梁揭宇藻井承漏構檣櫚林修椽曲校飛棧浮柱支撐環句題鄂衝從以霞張栴栴娟娟而寬糾傍天蟠以紺關遶沛艾以赴嶼上飢麗以互經下岫歛而騰湊玉繩倚坭於奧窻瑤光燦朗於窺闥轉稷度闕螭略鴻溶網戶翠錢金

鋪瑣恩五采爭勝流煙走虹壁門洞開璀璨玲瓏流蘇縣瑤招搖從風文鏡曲瓊煜煜雍雍繼采夜光之飾與灝氣而相通詠蕩蕩以寥豁忽助助而冥濛采五城而張六幕終紛員而莫窮其外則輦路繚連絲垣周迴複道遐遐達於平臺元厲黃碩間以玫瑰苑苑葱蒨垂楊大棟永巷逶迤是爲總街乃顧二門業業將將日精月華左右相望鬱儀聖舒駐轡而驪重闐逾延開閭陰陽試舉其名則維百福與千祥杏駟驚以苒蓀齊重欄而攀天梁東望文華蒼龍守闔上憲攝提析木之津啓搖山之碧鏤鏤荊丘之寶輪冊府申觀圖書萃珍扈閭閭館昱燐嶠岫西望武英金虎環陞陞彼背牆衡石積層牙璋葆旅森動奮厲高室蘭唐截業迢遞挾垣之外周廬宿衛於前則華蓋謹身逼於奉天寶應太一文昌太微三光之廷帝車運衡合契軒轅鴻光溥照輝輝在焉垂拱中宸恭默如淵於後則坤寧曦曦含貞符矩位正元枵星躔發女抗虹扶棟鑿翠開簾四榮雲謫萬棋菱杼玉卮金紅鸞鳳舉舉儷我宸極以爲內主若乃仁壽清寧問安承顏黔干黃祇倬彼元間彼昭德典泰長春百花諸宇則又儲靡曼而列幽閒衝風颺乎關幕散或或之椒蘭紅繡續與機杆儼河鼓之天孫函莛扶以晞日珩瑤晏乎珊珊爰設六尚以掌九室冠冠冠其儀有佻彤瑄煌煌伊達斯彌叙燕寢之條紀恒授環而戒逸銘榮鑑以昭警司精微於密勿爾迺暖殿弘敞青軒彤帳設甲乙翠被絳帷落簾櫳畫畫思循除而架有筵有簋有簋重檠檠牙矧施方亭曲樹獸鑰陳陳歷夫欽安仁智乃瞰百子之池游儵澗

潯汎淡漣漪鳴鳧翔鵲頤頤通植芭蕉與芙蓉靈
園莽乎萋萋監官鶴立以企幸賊蚘幄而矚龍旗黃
衣有徒灑掃供事儀文畢綬以及樞駟監局之號二
十有四銀瑤珥貂時維開寺望壺之設於彼外關蓮
燈蚘漏貯水運機偶神按候與天弗違鵲沼鵲樓黎
旭熹微鼓登析應雞人呼旦蟲飛而會盈燦輝而色
辨天子乃駕鸞蓋盤盤鐘鐘清黃道出紫宮端門戟啓
執法當中左掖右掖星共雲從羽林森森而就次旒
頭晃若其蒙茸自三能而逮即位莫不矢心於重瞳
明庭景景玉未遑食庶采既臚乃還宮而安息猶糾
虔乎天刑夕惕厲乎哀職守琬琰之彝章鋪鴻藻而
立極誕茲宮之成也聖神聿興時維綴旒信帝心之
簡在用迓德而彰景休皇興發迹乎郢甸鳴玉鸞之
啾啾歌斯千以考室非鬼神而孰謀軫民役之勞疚
仰先后之懿猷益奕奕款款執執如也於是帝幕霄
縣緹帷宿設雲構呀赫登降詘折龍超虎視遠瞻近
察披撻奇妙規矩相叶神移天運俞哉匠哲變半籠
乎宇宙挹三辰而可擷山川瑣尾而在下九野筮筮
而昭晰威靈旁魄而四塞規萬世而妥洪業乃念宣
廟圖揭幽風稼穡艱難景觸心融乃念敬考調元習
靜光祚思賢永言顯聖是以服閑邪之炯戒體慎獨
之微言追往初之遐躅冀得一之自然日出王與游
衍恒對越乎昊天昧爽兢兢而練要益冥心乎馮翼
之先於是乎草批政尚仁厚與禮樂甲冑振幽滯
揚側陋吞九鳳禮三壽乃郊上元以昭在宥聲從海
沅澤與霖究履露入於毫芒猶閭惻而敷茂慶霄拔
而嘉穀顯顯矜矜之純祐然猶謙其休烈慈謂小康

斥去奇妄以謹怠荒邛大驄而問道誦丹書而自溫
攬日月以爲明摘雲漢以辨章前蜚廉以渙號後屏
翳使服箱靡握譽而爲網旄濛濛而驂昌光驅豐隆
與列缺辟震曜乎鬼方末合德乎泰清絃六合而爲
網諄曰灝灝與區起曠麗麗麻神靈兮睢睢盱盱泛
泛溟溟遠廣廷兮戴盆掩袂睇天障日紛萬情兮維
皇建極維聖存誠刪天經兮緯緯章元潛乘陳河
藥萌兮勿滴曼羨錫嗣隤祉化頌聲兮時乘六龍昭
受休嘉億斯齡兮

始陽齋贊

夏言

大哉乾元萬物資始浩浩其天純亦不已無極太極
動而生陽乘龍御天變化無方於皇聖人與天合一
有齋道存神明之室

象一宮贊

前人

惟天高明得一以清惟地安貞得一以寧惟皇作極
法象天地守一抱元長生久視太陽正中帝德猶龍
一氣迴旋造化之宮

恭默室箴

李國樞

蓋聞渾元含精儀象由之成撰元樞於穆行生所以
發機故飛而能潛龍德神其變化靜以制動聖學潛
其淵源然結念於囂諱病在紛拏而或開叢脞之端
藏聲於邃密弊在耽虛而更滋廢墮之漸是以戒慎
恐懼嚴須臾於不離見曉聞和葆希夷於無朕粵稽
虞帝肇統危微泊乎商宗覃思恭默夫恭以爲默既
不汨乎物交默而能恭復不淪於枯靜故鹽梅輔藥
帝賚藉以凝承赫聲濯靈壽考於焉悠久寥廓千古
惟疏主敬之源前後一揆爰俟聖人之作啓文華之

後鍵鳥革翬飛闢九五之清齋龍蟠蟻伏乃儀商以
思道緊考室以凝神錫之嘉名曰惟恭默夫明庭臨
御既肅肅於衰章而深宮燕閒亦離離於彤管獨斯
室者結合宮府之會參居內外之交賢士大夫斯覲
其地遠宦官宮妾浸假而情親提醒不勤將暴寒之
慮易保持不密則咻傳之途分是所宜撫玉几而悚
心觸荃壁而克念者也小臣不斐敢以箴獻箴曰
昔喆人溫恭淵靜洗滌道心保合正性晦以爲明寂
以君動帝賚於昭明王發夢精神之通天人合併豈
曰靜攝居深自聖域彼四海殷邦嘉靖壽考且寧亦
篤其慶惟我熙朝丕紹遐標作室於斯擗別喧囂跼
步前武黼座垂綃抑還而入大內簪貂惟有此室非
近非遙端居上觀塵念俱銷境會寂寂天籟脩脩澹
乎此衷空谷虛寥詩亦有言不愧爾室外庭可修屋
漏乃休臣民載舟或重之疾婦寺匪教勿加諸膝天
鑒在茲孰謹其肅祖德深厚當防其軼言動不交敬
信乃勅聲臭無形明德惟密塞兌非欺象恭非恭一
心有主萬慮澄清如水斯淨如金在型遇規成體隨
物賦形乃知恭默不涉竊冥商王寶之以致中興小
臣作箴慚木之繩願我明辟日夕惟恍

文華殿御書頌

支大綸

粵茲元黃昉判七政羅錯斷繁補石穹規載廓巢風
永頤義埃綿邈惟彼陶唐有此冀方虞舜入禪並罹
重光睦族徵典之紀之綱既輯玉帛爰同律曆惟時
惟幾聿修厥德禹乃嗣興敬承弗忒湯繼禹祀肇修
人紀風愈末戒奄甸疆理周王代之如矢如砥三壤
經國九疇叙倫周禮周官郁郁其文條分縷析典則

斯存昭茲遐屬爛焉汗竹泱深極高民熙物育訃謨
懿範永植君鵠於鑠我皇倬德吳蒼睿思仲忭味爽
靡遑躋唐埽虞肩夏踵殷鑒于有周乃武乃文黼座
高敞璇臺廻盪鳳雲迴龍章電燭法言在御載留
神囑稽古立則日乾日惕左右天經張弛民極覆之
幃之無忌無數寶綸輝映乾度末正勉勉我皇四方
其靖保我奉符式昭靈慶

思政軒箴

王錫爵

惟皇唐聖光嗣丕基弗寧燕處有儼若思厥思伊何
萬幾一日千里應違謀之几席惟皇立政欽若昊天
曰雨曰暘思其或愆惟皇立政憲於烈祖是訓是行
思繩厥武四海惴發政是用康一夫不獲我視如傷
殊方皮弁政是用輯一夫不戒作我蠹賊萬方玉食
思及鉏犁衰服在御思及杼機篋篋之恩用思有式
費出無經乃政之惠任思勿貳或蔽其聰去思弗疑
或撓其公言逆於耳思或爲利言遜於心思或爲戾
朝以出政則思其終紛更之戒畫一之從久以修令
則思其始毋詢獄辭毋眩多指是之爲思規萬世安
天命不易爲君實難人亦有言日中則昃無疆維休
無疆維恤思之思之鬼神通之戶牖有箴矇史誦之

樂志齋箴

前人

聖人作易次豫於謙喜起之歌始以敕天我皇鑒茲
弗懈於位有茲斯齋惟以樂志其樂伊何匪遨匪遊
其志伊何樂有從理亦有從欲安危之機辨之幽獨
何以辨之維志之持志一常安志煩則危惟幾惟康
無逸乃逸君子攸居萬年無數

三殿鼎新賦

李若琳

宸居端拱穆然深思爰似爰績爰度爰著順四序以
向方拓兩儀而宏規揭八表以提綱準九垓而布維
粲星分於其宿映黃道之赫曦魁奇嶸嶸斷新材於
地脉晶瑩磊砢斷奇石於屢屨輦載旁午舟運充斥
紛河輪而海會肆丘壘而嶽積雷動雲興絃絃絳緯
乃義和告良營繕計畫匠人運斤巧人創墨精論巧
思殫時力作蟻聚蜂萃硃砂硃硃歸壯麗於崇朝觀
崔嵬於信宿其正殿則皇極之尊嚴是萬國所朝宗
而一人所臨軒也屹中天以鬱起抗浮雲而上征激
日景以納光耀丹碧於紫清含靈曜以欲翔望北辰
而高興其中日中極析梧綺錯樂極施懸絃虬於
修梁曜蒼龍而鸞翥環諸屈奇詭詭離離或先勞以
乍息或居安而慮危其後曰建極詰曲兮遠宇興突
兮祀室暑不溢燥寒不加栗壁璫星明華懷玉瑟木
化蟄以樛樓雲而成喬或退思以恭默或召論乎丞
弼莫不肅肅或或亭亭翼翼輔以文昭武成之廟另
廓以左闕右闕之博敞遙天關以益崇耀祥光而熒
熒空彩映翠恩之玲瓏日華射旋題以激盪神競競
於顧盼睫周流而騰睨於時萬象維新三光以爽麗
丹霞於碧霄散紫煙於蒼莽

三殿鼎新賦

周延儒

三殿者皇中建三極殿也初爲奉天華蓋謹身肅
皇帝仰則天垣遠細禹範爰錫嘉名我皇御錄中
與實鼎新焉在易鼎之象曰君子以正位凝命蓋
與書維皇建極之旨合律哉序誠北辰之鴻緯南
面之盛觀也七年中秋落以斯干之雅敬拜手稽
首而獻賦曰

游維幽燕闢基黃帝四千餘年明乃繼之昔剪蚩尤
我驅蒙古天昧再開王氣雙吐當時所爲治城闕繕
宮室於奉天出治之地尤三致意焉蓋已高蟠龍虎
上憲背陬龍二儀以爲宮枕萬歲而不渝矣柏梁之
厄盛極而然今皇帝遙追祖武堂構是肩轔殿基作
而詔諸中外曰是成祖宅中之區而肅祖以嚆錫福
之所延也歸會峙其旁正陽歸其前東西文武左右
弘宣冠帶萬國龍冕九天列聖陟降其可後焉於是
命司空契元龜欽天練日營繕經初圭臬揆景般爾
競趨發帑則神廟封楹之貽醴俸則千官邪許之呼
蜀楠吳磚灣石荆銅山祇川后獻瑞効功爾乃神木
輪廠黑窯治瑤臺諫糾敏匠石究奇百司雷動萬輦
雲飛曾未幾時而皇極門殿已煥乎其巍巍矣惟中
與建兩殿踵成如彼太乙之宮前有太乙後有鉤陳
是曰紫微帝座三辰倣曩規而增麗浴濛濛而俄新
恢當陽之寶勢快神孫之高門若夫雲臺星柄重福
飛昂蘭栢藻井螭格鳳窠金扉玉鋪丹陛瑤璫瑤
博敞蔚駁煌煌宏敞莫際絕翕有光固三殿之所同
光難得而備方也有兩班文武進而稱曰斯舉也蓋
遲之三十年而成之不日乘蠡用幹在鼎元吉當寶
頂之晨安馳露布而生色敢賦周詩上壽千億於是
尚寶陳案教坊奏韶錦衣設幟光祿受肴黃麾明扇
仗鼓排簫仗馬馴象羅擁蟬貂輶轡簾捲玉宸以朝
然後七舞入九曲湛稱制賜瀝山呼者三其或冊拜
椒掖封遣桐主臚天人之賢情受重譯之航梯禮成
郊廟典舉耕蠶頒春小歲獻至日南升恒進千秋之
鏡熊羆叶百堵之占莫不晴燕春羽日射天香劍鳥

花生穆穆皇皇於是屏宓妃却玉女咨臯夔訪箕呂
解網除胄吹律回黍貌言視聽啟其思歲月日時釐
其序雨暘燠寒五行司其官食貨實師八政修其監
是故庶徵應五福綏而世爲竹苞松茂之主也昔堯
有塢宮舜有總期儉德雖章大壯非時秦漢諸殿通
光臨華神仙增城門千戶萬則侈主之譏也若衛歌
楚室魯美靈光則又諸侯之事也安足爲今日頌哉
帝錫斯嘏肅祖命之肅祖錫嘏來孝追之光啓中興
不亦偉乎天子曰嘻是于嘏睹其八抑樞在極乎夫
皇極者卽堯舜允執之中而建之卽平康正直之衢
三而一者也吾將坐華殿之上燭以玉燭風以景風
使東至賓宮之塔西至松套南至鬼方解辯面內莫
不來同雖黃帝阪泉之兵亦可以不用而穆然治天
下以崢嶸

擬緩舉三殿及朝門工程疏

孫承宗

臣聞聖哲之主不托私於公以實瓊盈之積老成之
臣不議贏於詘以襲太平之觀故天下之物力充盈
而因陋就簡非所以肅朝常而爲觀於天下也天下
之民力殫竭而徇名廢實非所以恤人瘼而弭患於
方來也臣觀今天下有易爲於上而不肯爲冀幸於
下而不能必徇其名則以爲不可緩數其實則以爲
不可急者如今之三殿朝門工程是已夫三殿朝門
陛下所以接羣辟而修庶政也數年來朝講輟而不
舉典禮行而幾罷則以爲是未成之故卽中爲大小
臣工咸喁喁曰安得不日成之然臣竊以爲是可緩
也何也被締綈者不苦鬱燠襲狐貉者不畏盛寒有
其具者易其備也今天下之財下出而不得入上入

而不肯出將作之開納悉而民不應它曹之借索煩
而有難給獨有大內之積可以易其備而臣又竊意
陛下之未肯遽也何也頻年來未嘗不託言之而卒
無一有也夫將作旣不可支而內帑又不肯遽獨有
索之百姓耳秦隴之材非無脛而至工役之腹非盡
餅而實陛下誠思今天下百姓尚堪此乎唐魏徵曰
民欲靜上重擾之民方窮上重蠹之今之謂已臣觀
今天下之民方大病而未蘇調之以參苓攝之以梁
肉尚可以生卽不然而聽其自息自便而不擾亦可
以苟延倘如嚴家之隸力疾而作豈惟下不勝其役
而上亦不安其適何也久張之弓易頓方駭之馬難
策也臣不敢撫茅茨之說以久稽大觀亦不敢拾壯
麗之談以徇衆聽惟願陛下緩之緩之者非耽延於
今而遺患於後也執大尊以酌天下之人心體百姓
以培無疆之命脉勿藉工程之役而爲分外之誅求
勿信貂璫之口而動已疲之大衆如瑩精太平臨朝
願治則文華武英未嘗不可聯泰交而布政令於臣
民也且如文皇帝時物力何如今日而三殿之成尚
需於後豈今日之百姓獨不可緩乎臣望陛下仰承
文皇帝慎重之心俯察臣民艱難之意先蘇大病之
民徐修寒暑之具然後一舉而成之未晚也臣不勝
大願

新成安樂宮

梁簡文帝

上巳侍宴林光殿曲水

同前

侍林光殿曲水宴

沈約

侍華光殿曲水宴

劉孝綽

行幸甘泉宮歌

劉孝威

長安道

庾肩吾

新成安樂宮

陳陰鏗

帝王所居篇

張正見

重陽殿成金石會竟上詩

前人

詠雙闕

江總

侍宴臨芳殿

前人

侍宴瑤泉殿

前人

從駕幸金墉城

北魏溫子昇

過舊宮

北周明帝

乾陽殿受朝

隋煬帝

江都宮樂歌

同前

乾陽殿受朝應詔

牛弘

帝京篇

唐太宗

奉和春日幸望春宮

張說

奉和春日幸望春宮應制

蘇頌

奉和春日幸望春宮

崔湜

奉和幸上陽宮侍宴應制

宗楚客

麟趾殿侍宴應制

宋之問

冬夜寓直麟閣

前人

晚出左掖

杜甫

春夜宿左省

前人

宣政殿退朝晚出左掖

前人

紫宸殿退朝

前人

奉和賈舍人早朝大明宮

前人

奉和賈舍人早朝大明宮

岑參

西省即事

前人

奉和太常王卿酬李舍人書寓直春夜對月

盧綸

見寄

奉酬李舍人秋日寓直見寄

張南史

宮中行樂詞

李白

早朝大明宮

賈至

奉和賈舍人早朝大明宮

王維

敕借岐王九成宮避暑應教

前人

宮詞

王建

故行宮

前人

上陽宮

前人

華清宮

前人

綺繡宮

前人

華清宮

張籍

隋宮

鮑溶

過華清宮

李約

尊嶺四望

皇甫曾

和李司勳過建昌宮

韓愈

憶夜直金鑾奉詔

李紳

和胡將軍寓直

前人

奉和胡翰林丁侍郎禁署早春晴望

春宮曲

劉得仁

漢宮曲

王昌齡

昭陽曲

韓翃

甘露殿侍宴應制

劉長卿

望未央宮

李嶠

宮詞

顧況

望禁門松雪

王涯

上陽宮

寶彥

九成宮

李商隱

吳宮

前人

長春宮

于武陵

天津橋春望

雍陶

過繡嶺宮

崔塗

華清宮

吳融

繡嶺宮詞

李洞

華清宮

杜常

萬安殿夜直

宋汪元量

太平興國宮

岳珂

題渚宮

廖剛

覽含元殿基因想昔時朝會之盛且感其興廢

初秋宿直

蘇舜欽

過杭州故宮

晏殊

宮中詞

謝翱

書龍德宮八景亭

金章宗

龍德宮

密國公璿

龍德宮

劉仲尹

鳳凰山故宋宮 元趙孟頫

鳳凰山故宋宮 藍潤

鳳凰山故宋宮 錢惟善

宮詞 薩都刺

大明殿口占 朱德潤

題甘泉宮圖 前人

鳳凰山故宋宮 黃潛

宮詞 葛邏祿迺賢

鳳凰山故宋宮 明劉基

壬子秋過故宮 十九首 宋訥

赴朝陽門望禁中 蔡羽

秋興 四首 田汝林

迎駕還宮 高啓

奉天殿早朝 二首 楊基

清虛殿 文徵明

承光殿 前人

登五鳳樓 程文德

官殿部選句

考工典第四十九卷

官殿部藝文四 詩

新成安樂宮 梁簡文帝

遙看雲霧中 刻桐映丹紅 珠簾通曉日 金華拂夜風 欲知歌管處 來過安樂宮

上巳侍宴林光殿曲水 同前

芳年留帝賞 應物動天襟 挾苑連金陣 分衢度羽林 惟官對廣掖 曾殿適高岑 風旗爭曳影 亭阜共生陰 林花初墮帶 池荷欲吐心

侍林光殿曲水宴 沈約

宴錦繡玉鑾遊汾舉仙輶 榮光泛彩旄 修風動芝蓋 淑氣婉登晨 天行聳雲旆 帳殿臨春籞 帷宮繞芳簪 漸席周羽觴 分墀引廻瀨 穆穆元化深 濟濟皇階泰 將御遺風軫 遠侍瑤臺會

侍華光殿曲水宴 劉孝綽

薰被三陽暮 濯禊元巳初 皇心瞻樂飲 帳殿臨春渠 豫遊高夏諺 凱樂盛周居 復以焚林日 丰茸花樹舒 羽觴環階轉 清瀾傍席疏 妍歌已嘹亮 妙舞復紆餘 九成變絲竹 百戲起龍魚

行幸甘泉宮歌 劉孝威

漢家迎夏畢 避暑甘泉宮 棧車鳴里鼓 駟馬駕相風 校尉烏桓騎 待制樓煩弓 後旌猶五柞 前節度九畷 才人豹尾內 御酒屬車中 輦迴百子閣 扇動七輪風 鳴鐘休衛士 披圖召後宮 材官促校獵 涼秋戲射熊

長安道 庾肩吾

桂宮延複道 黃山開廣路 遠聽平陵鐘 遙識新豐樹 合殿生光彩 離宮起煙霧 日落歌吹還 塵飛車馬度

新成安樂宮 陳陰鏗

新宮實壯哉 雲裏望樓臺 迢遞翔鵬仰 連翩賀燕來 重欄寒霧宿 丹井夏蓮開 砌石披新錦 梁花畫早梅 欲知安樂盛 歌管雜塵埃

帝王所居篇 張正見

峭函雄帝宅 宛雜壯皇居 紫微臨複道 丹水互通渠 沈沈飛雨殿 藹藹承明廬 兩宮分槩日 雙闕並凌虛 休氣充青瑱 榮光入綺疎 霞明仁壽鏡 日照雲雲書 鳴鸞背鵲鵲 詔蹕幸儲胥 長楊飛玉輦 御宿從金輿

柳葉飄緹騎 槐花影屬車 薄暮歸平樂 歌鐘滿玉除 重陽殿成金石會 竟上詩 前人

周王與路寢 漢后成甘泉 共知崇壯麗 迢遞與雲連 抗殿疏龍首 峻陛激天泉 東西跨函谷 左右矚伊瀍 百常飛觀竦 三休複道懸 拱鳥遙造日 擗虬遠架煙 雲棟疑飛雨 風廳似望僊 玉女臨芳鏡 金璫映彩椽 梅梁橫發藻 藻井倒披蓮 雲光開御宿 佳氣屬祈年 霜鴈排空斷 寒花映日鮮 負辰憑霄極 台司列象躔 登臺詠大夏 御氣響鈞天 北斗承三獻 南風入五絃 鸞歌鵲鵲右 獸舞射熊前 翔鶴仰不逮 燕雀徒聯翩

味雙闕 江總

象闕連馳道 天宇照方疏 刻鳳棲清漢 圖龍入紫虛 屢逢霄露灑 幾遇祥煙初 競言百尺麗 寧方萬丈餘

侍宴臨芳殿 前人

鐘箭自徘徊 御皇堂蕭羽杯 橋平疑水落 石迴見山開 林前暝色靜 花處近香來 西崑傷撫夕 北閣濫遊陪

侍宴瑤泉殿 前人

水亭通粉詣 石路接堂皇 野花不識采 旅竹本無行 雀驚疑欲曙 蟬噪似含涼 何言金殿側 巫奉瑤池觴

從駕幸金墉城 北魏溫子昇

茲城實佳麗 飛甍自相並 膠葛擁行風 峒嶺闕流景 御溝屬清洛 馳道通丹屏 湛淡水成文 參差樹交影 長門久已閉 離宮一何靜 細草綠玉階 高枝蔭桐井 微徵夕渚暗 肅肅暮風冷 神行揚翠旗 天臨肅清警 伊臣從下列 逢恩信多幸 康衢雖已泰 弱力將安聘

過舊宮 北周明帝

玉燭調秋氣 金輿歷舊宮 還如過白水 更似入新豐

秋潭瀟瀟晚菊寒井落疎桐舉杯延故老今聞歌大風
乾陽殿受朝 隋煬帝

新邑建嵩嶽雙闕臨洛陽主景正八表道路均四方
碧空霜華淨朱庭皎日光纓珮既濟濟鐘鼓何煌煌
文戟翊高殿彩旄分修廊

江都宮樂歌

同前

揚州舊處可淹留臺榭高明復好遊風亭芳樹迎早
夏長阜麥隴送餘秋淶潭桂楫浮青雀果下金鞍躍
紫駟綠觴素蟻流霞飲長袖清歌樂戲州

乾陽殿受朝應詔

牛弘

恭己臨萬寓宸居御八埏作貢菁茅集來朝主獻連
司儀三揖盛掌禮九賓虔重欄映如璧複殿繞非煙

帝京篇

唐太宗

秦川雄帝宅函谷壯皇居綺殿千尋起離宮百雉餘
連甍遙接漢飛觀迴凌虛日月隱層闕風煙出綺疏

奉和春日幸望春宮

張說

別館芳菲上苑東飛花淡蕩御筵紅城臨渭水天河
靜闕對南山雨露通遶殿流鶯凡幾樹當蹊亂蝶許
多叢春園既醉心和樂共識皇恩造化同

奉和春日幸望春宮應制

蘇頌

東望望春春可憐更逢晴日柳含煙宮中下見南山
盡城上平臨北斗懸細草偏承迴輦處飛花故落舞
觴前宸遊對此歡無極鳥弄歌聲雜管絃

奉和春日幸望春宮

崔湜

淡蕩春光滿曉空逍遙御輦入離宮山河降望雲天
外臺榭參差煙霧中庭際花飛錦繡合枝間鳥轉管
絃同即此歡娛齊鎬宴唯應率舞樂薰風

奉和幸上陽宮侍宴應制

宗楚客

紫庭金鳳闕丹禁玉雞川似立蓬瀛上疑遊崑閩前
鳥將歌合轉花共錦爭鮮湛露飛堯酒薰風入舜絃
水光搖落月樹色帶晴煙向夕迴瑤華佳氣滿嚴泉
麟趾殿侍宴應制 宋之問

北闕層城峻西宮複道懸乘輿歷萬戶置酒望三川
花柳含丹日山河入綺筵欲知陪賞處空外有飛煙

冬夜寓直麟閣

前人

直事披三省重開祕七門廣庭憐雪淨深屋喜爐溫
月幌光虛縹風憲竹暗喧東山白雲意茲夕奇琴樽

晚出左掖

杜南

書刻傳呼淺春旗簇仗齊退朝花底散歸院柳邊迷
樓雪融城濕宮雲去殿低避人焚諫草騎馬欲雞棲

春夜宴左省

前人

花隱掖垣暮啾啾棲鳥過星臨萬戶動月傍九霄多
不寐聽金鑊因風想玉珂明朝有封事數問夜如何

宣政殿退朝晚出左掖

前人

天門日射黃金榜春殿晴薰赤羽旗宮草霏霏承委
佩爐煙細細駐遊絲雲近蓬萊常五石雪殘鵲鵲亦
多時侍臣緩步歸青瑣退食從容出每遲

紫宸殿退朝

前人

戶外昭容紫袖垂雙瞻御座引朝儀香飄合殿春風
轉花覆千官淑景移晝漏稀聞高閣報天顏有喜近
臣知宮中每出歸東省會送鸞龍集鳳池

奉和賈舍人早朝大明宮

前人

五夜漏聲催曉箭九重春色醉仙桃旌旗日暖龍蛇
動宮殿風微燕雀高朝罷香煙攜滿袖詩成珠玉在

揮毫欲知世掌絲綸美池上於今有鳳毛

奉和賈舍人早朝大明宮

岑參

雞鳴紫陌曙光寒鶯鶯鳴皇州春色開金闕曉鐘開萬
戶玉階仙仗擁千官花迎劍佩星初落柳拂旌旗露
未乾獨有鳳凰池上客陽春一曲和皆難

西省郎事

前人

西掖重雲開曙色北山疎雨點朝衣千門柳色連青
瑣三殿花香入紫微平明端笏陪鸞列薄暮垂鞭信
馬歸官拙自悲頭白盡不如巖下掩荆扉

奉和太常王卿酬李舍人中秋書寓直春夜對月

盧綸

露如輕雨月如霜不見星河見鴈行虛輦入池波自
泛滿輪當苑桂偏香春臺幾望黃龍闕雲路寧分白
玉廊是夜巴歌應金石豈殊螢影對清光

奉酬李舍人秋日寓直見寄

張南史

秋日金華直遙知玉佩清九重門更肅五色詔初成
槐落宮中影鴻高芳遠聲翻從魏闕下江海寄幽情

宮中行樂詞四首

李白

柳色黃金嫩梨花白雪香玉樓巢翡翠金殿鎖鴛鴦
選妓隨雕輦徵歌出洞房宮中誰第一飛燕在昭陽

又

盧橘為秦樹葡萄出漢宮煙花宜落日絲管醉春風
笛奏龍吟水簫鳴鳳下空君王多樂事還與萬方同

又

繡戶香風煖紗幮曙色新宮花爭笑日池草暗生春
綠樹聞歌鳥青樓見舞人昭陽桃李月羅綺自相親

又